

石大師廣黑帝玄慈太上真黃帝五老上真混

右五帝策三十五字

弓龍行神出除凶殃辟非祥

右十一字是人馬山中符訣私寄撰

此卷後關

太上求仙定錄尺素真訣五文

太霄琅書瓊文帝章訣

成二

師資行事

書經訣

凡得經有已皆應更書先者為鎮供養而已今所寫治精加校定豐財足力各立三通一為長鎮一為供齊一為研習研習者常自隨所住室中別置格上躬自出入不得使他若家人弟子同氣至心可得使之亦勿全委非其故為怠慢學淺識解未精或致忤禁彼此受殃明詳謹慎納吉防凶寫經之時皆修清齋法當予書與師易本或在門伏膺雜役不暇自書或未開筆墨或遲拙不精當者可以金帛顧人貧者聽得備夫聚直必借妙迹不可苟營文字訛謬圖象失形並有考罰福豈爰臻經中有圖圖或別卷各有侍官典圖真吏玉童玉女與經略同不可逐易避難起經案圖象誤許洗治一紙不過三度簡素一紙亦不過三過三皆易火淨所誤連染剪齊首軸帶杖囊羅巾帕厨箱令堅完淨而已不得過華世間教化世捨華華未能捨權制用

華使世間人損俗華麗華麗供法漸識素方得素後華自然不壞不求自得不為自成自然而然莫能使之不然緣素果此勿滯俗華臺臺行裝各有豐儉富貧相稱不得強為富者強陋貧者強華華奢陋儉皆乖道制道制貴中內外相應非意去失首謝慙尤清齋懺悔各依太真之科久壞改易具如太真之法香燈禮拜專修唯精精必成聖與道合真也

啓告訣

弟子因緣憑師請法宜傳付者先使寫經圖錄已竟擇日結齋齋時啓告大略如左  
齊法雖多皆准三元三元齋科包羅諸法授受上經同用上元其間所啓事源隨時消息改易簡要勿繁也  
凡齋啓告先治辭牒不可闕慢率略千真為牒之宜先稱某國號某年太歲某某月朔某日某時某州郡縣鄉里某位男女官祭酒道士先生真人元君夫人姓名今於某州郡縣鄉里山舍治館官府第宅就某州郡縣鄉里男女道士法師姓名受大洞真經目錄如左

洞真部卷第如干以次書之緣都得者謹依第至後緣偏得者未宜并受隨宜出之不須卷第直舉篇名多少依實一二條之右如干卷今對齊啟告傳度謹牒

某州郡縣鄉里某位姓名辭幸藉善緣歲奉

玄極參受寶文誠懼誠慰妄以短命志願長生貪進志退遭逢佳辰乞請受前件如干卷依科交齋某等如干種法信奉辭以聞伏願師君垂許誓心修行不負師道有違之日自分風刀不敢有怨一依明科謹辭

太歲某某月日時於某山舍奉

傳誥訣

凡傳經實要在存師師之所師所師之師三人鄉居男女位號姓名字年傳經處所付授弟子黃素書之佩帶自隨不可去失去失誦罰皆如太真之科不恒帶者附著經中別以巾縷繫結令監師所師女師師青童大君又有小君存此二君禮願如法

法信訣

法信出科科與經異師師口訣各有因緣時

科事章所以不同慎勿疑惑從師施行若無師者啓玄有儀價格出信不得有違卷卷別受科科稍傳經科相參師資量雖雖以輕易重以易除難要當思想物儀不乖其方因緣能得頓受者所用如左

- 一上金九兩二紫錦百二十尺三五色紋繒
- 各四十四尺四白素一千二百尺五紫紋二十
- 四丈六命絲支于相入紋繒隨年足丈尺七
- 五色絲各三斤八五種香各九斤九玉龍玉
- 魚各三軀十全龍金魚各五軀十一玉馬玉
- 羊各一軀十二金鷹金羊各一軀十三玉札
- 三枚十四金鐸銀錄各九雙十五真珠如梧
- 子大三百六十枚十六五色線各依方斤數
- 十七大度紙三百六十幅十八筆五雙十九
- 龍頭書刀五枚二十紫蓋紅裏一張二頭子
- 全錄 文具二十一青蓋碧裏五張三到鳥 頭二
- 十二明鏡一面徑尺者不 二十三法服冠履
- 手板一具精森取中 二十四淨罌與盤各一
- 枚金銀銅瓦夾淨香 符隨時

右二十四種某受經法信

此二十四物各有所應積聚營之不可闕一窮地之鄉許用他物准類充補擬議勿乖又無即充可注今闕某物須受法之後營宜補備

結齋之始投辭之初便應備辦諮啟師尊有無注真都定書之續置經目之後連在辭文之前啟告之初并讀至後臨度經時出官奏表又具言之慎勿忽略也

師受此信依按明科施用必得其所彼此共保成真若應玄盟亦按此法准採金書之後散施之儀經書不具勿用此訣大人上志精詳遵承也

太真九科

太上太真玉制科成諸法布在衆經或前或後覽者不別宜尋本本文三卷師之所秘得之密習為天人師今此大要標略有九九天真人共所遵用教化無之動靜臨答若有賢明智慧之士求受寶經當示以要律授受之宜依用九條觸類求之無所不具自非體真勿妄增損三洞衆經共准依按太極真人

西城王君仙公御士高才大人皆寶秘之慎無泄矣

第一科曰齋竟授戒授戒之後按儀傳經傳經之年即為期限以制心期以見道道為衆妙之主觀妙必觀其宗除欲為上少欲次

之深淺隨才優劣依德德量無崖大分有六第一四萬劫第二四萬年第三四千歲第四

四百齡第五四十載第六正四周劫限竟得傳一人至于九人明道之尊德之貴也運促時急大慈廣救過賢便傳不拘定數但初

受須微限中求驗若基內逢險為凶所逼智力不能化逆順以避災所得之旨在手心中

無滯卷軸致傷玄真若威勢所制使迫脅本師自度後能治彼以全初志者乃可請師覽

順彼意不能如此以死絕之慎勿慢辱本師毀棄正道若智力不能辦勿彊云欲治之不

度德不量力滅身命無成功徒增罪耳善宜三思若意外去夫不自覺知或劫賊所掠弗

測存亡皆長齋懺悔捨身命財憑師積年竭盡單款無生怨念乃更受之受之三失勿復

尚受宜加懺悔至到感靈然後更受必登道真無感徒受受終無所成為後作因受勝不受受之不已心神轉易初雖無成終亦得道

第二科曰受經之後誦尋師訓舍先內故不得炫耀年限既竟乃得傳贈賢不易有不可

妄傳非其人彼此風刀上延先祖下逮子孫惡深絕種長充鬼徒若限內有災或家門喪

死公私鬪爭血傷牢獄水火盜賊重病輻軻年限雖過不得傳入正當謝罪慙立善功告

樂如期乃可有授若三尊善考連數昇度或非罪無辜橫罹羅網此皆無妨依期得傳

第三科曰信素證心炳發妙義必令精好以理得之正分所辦撰書密管不可誹謗勿生

怯惜慎莫邪求換乞彊索竊略所得自以為功更增咎謫無福可期師受善用三分之一

分為弟子營齋助贖香油經籍一分救諸山栖幽苦一分供師法服精麤奉給三尊不得

私散散之依法無起慳心不可貪聚招揭累身損道辱法取請人神權急偏濟時宜并用先登三寶後計補充有違招考竊盜律論

十四地者依十二科法

第四科曰受經之後存禮無虧若遭病急非意公私事礙致關迴後即謝啓悔慙悚竭洗

丹東若浮游嬉泆逐樂驕慢違替之豐長陷鄰都

第五科曰法應長齋未能者擇其吉會中其誠心年有六月有十直又不能全者嗣半

及晦四時八節本命生日隨所堪修不可都廢廢則無功忘道棄法招延凶災非意破齋

即應懺謝重犯不悔後隨憲群與之無懈不破不退存道揚法物我兼通成聖有期受號

功德長壽正月三月五月七月九月十一之功德各有一月三月五月七月九月十一月

第六科曰齋讀經戒誦誦誦習講說宣明日求妙解解必行之勿犯所解犯即懺謝不可

重為行坐存文不得怠忘若隱閉自知欺罔人物不成成敗懶答謔疑厭厭問嫉勝漫瀾詭

辭或虛解詐知噴鳴誤眾破壞文句增減篇章妄造邪議苟生異端違真越正皆致深殃

第七科曰宣揚經戒建德立功濟人成已勸

化為上執正開通無生矯假方便利益須智  
慧才未深達不可輕行非方便體便入妄  
言但依實旨引道尚心俱歸師門着經請戒  
證明妙理起發善心使預齋觀化令聞見福  
緣歡喜相順和而成功不得呵責忿激增怒  
譬喻誘進弗可彊牽將護節量剛柔取中一  
與一奪種種潤之確迷不轉哀矜勿怙慈悲  
無已不生棄心得善知識善俱登玄貴師愛  
資克果上真

第八科曰師恩弟子平等一心無所偏頗賞  
罰必明罰以止惡賞以勸善纖毫無遺消芥  
勿謬謬偏被災幽顯重考

第九科曰弟子恭慎事師無二寡動少言况  
懿靜篤伺候師顏語靈妙訣思樹効績輔讚  
三寶專心竭力奉命便行水火不避遠近弗  
辭疑即答審許華則俊不許仍從有損無避  
師試弟子令其心堅登道入真階級優劣使  
其識悟日分所之督勸彌精克弘至道凡師  
威神薄不可妄試人聖明之師試無損敗吉  
凶逆順一隨明師若違惡師法無惡惡由已

招死不得怨正應自責改往修來若猶豫疑  
師不宜奉事事則順從不得違逆則失道  
永嬰塗炭明各慎始勉勗今終  
右九科九宮真人申明此要十方已得道無  
量天聖眾咸共遵行極度一切

太霄琅書瓊文帝章訣

正一天師清微弟子 洪百 製作  
道教學術資源網

三經同卷

成三

胎息經註

胎息秘要歌訣

太清真人絡命訣

胎息經註

幻 真 先 生 註

胎從伏氣中結

臍下三寸為氣海亦為下丹田亦為玄牝  
世人多以口鼻為玄牝非也口鼻即玄牝  
出入之門蓋玄者水也牝者母也世人以  
陰陽氣相感結於水母三月胎結十月形  
體具而能生人修道者常伏其炁於臍下  
守其神於身內神炁相合而生玄胎玄胎  
既結乃自生身即為內丹不死之道也

氣從有胎中息

神為炁子炁為神母神炁相逐如形與影  
胎母既結即神子自息即元炁不散

氣入身來為之生神去離形為之死  
西昇經云身者神之舍神者身之主也